

ՍԱԱՆ ՀԱՄԱՅՆՔՈՒՄ ԸՆՏԱՆԻ ԿԵՆԴԱՆԻՆԵՐ ՊԱՇՏՊՈՒ ԿԱՆՈՆՆԵՐ

I. Ընդհանուր դրույթներ

1. Սևան համայնքում ընտանի կենդանիներին պահելու կանոններով (այսուհետ՝ Կանոններ) կարգավորվում են Սևանի վարչական տարածքում ընտանի կենդանիներին պահելու հետ կապված հարաբերությունները, և տարածվում են վարչական տարածքում գտնվող ընտանի կենդանիներ տիրապետող (պահող) ֆիզիկական և իրավաբանական անձանց վրա:
2. Կանոնները չեն տարածվում գիտական, գիտահետազոտական, բժշկական, ինչպես նաև ծառայողական նպատակներով ընտանի կենդանիներին օգտագործող և պահող համապատասխան թույլտվություն ունեցող ֆիզիկական և իրավաբանական անձանց վրա:
3. Սույն կանոններում օգտագործվող հիմնական հասկացություններն են՝
 - 1) **գյուղատնտեսական ընտանի կենդանի՝** մարդու կողմից սննդամթերքի արտադրության համար պատմականորեն ընտելացված և բուծվող կենդանի,
 - 2) **ընտանի կենդանի տիրապետող** (այսուհետ՝ տիրապետող)՝ այն ֆիզիկական կամ իրավաբանական անձը, ում հսկողության և (կամ) խնամքի ներքո գտնվում է կենդանին:

II. Տիրապետողի իրավունքները և պարտականությունները

4. Տիրապետողն իրավունք ունի՝

- 1) ստանալ անհրաժեշտ տեղեկատվություն կենդանուն հաշվառելու և պահելու հետ կապված հարցերի վերաբերյալ,
- 2) սույն կանոններով նախատեսված այլ իրավունքներ:

5. Տիրապետողը պարտավոր է՝

- 1) պահպանել կենդանուն պահելու սանիտարահիգիենիկ կանոնները,
- 2) բացառել կենդանու կողմից ընդհանուր օգտագործման տարածքների, բազմաբնակարան շենքերի ընդհանուր օգտագործման տարածքների, բակերի, մայթերի, փողոցների, սիզամարգերի, ինչպես նաև հանգստյան կանաչ գոտիների աղտոտումը,
Արգելվում է կենդանուն թողնել առանց հսկողության,
- 3) ապահովել յուրաքանչյուր անձի անվտանգությունը և անդորրը կենդանու ազդեցությունից,
- 4) պահպանել Հայաստանի Հանրապետության օրենսդրությամբ և սույն կանոններով տիրապետողի համար սահմանված այլ նորմերը և կանոնները:

III. Կենդանիների հաշվառումը

6. Կենդանիների հաշվառումն իրականացվում է մարդկանց և կենդանիների համար հատկապես վտանգավոր և վարակիչ հիվանդությունների հայտնաբերման, վարակված կենդանիների հայտնաբերման ու պրոֆիլակտիկայի ենթարկելու համար:

IV. Կենդանիներին պահելու պայմանները

7. Ֆիզիկական և իրավաբանական անձինք պարտավոր են կենդանիներին պահելիս հաշվի առնել այդ կենդանիների կենսաբանական և անհատական առանձնահատկությունները, պահպանել օրենսդրությունը, ինչպես նաև այլ անձանց իրավունքներն ու օրինական շահերը:
8. Բազմաբնակարան շենքերի ընդհանուր օգտագործման տարածքներում կենդանիներ պահելն արգելվում է:
9. Կենդանիների զբոսանքը թույլատրվում է միայն այդ նպատակով հատուկ հատկացված տարածքներում: Նման տարածքների բացակայության դեպքում զբոսանքը կարող է իրականացվել ամայի կամ խոտածածկ տարածքներում, բացառությամբ կրթական, մշակութային, սպորտային, առողջապահական կազմակերպություններին (հիմնարկներին) հարող տարածքների, մանկական հրապարակների և շուկաների տարածքների:
10. Ճանապարհը կամ երթևեկելի մասն անցնելիս, ինչպես նաև մայրուղիների մոտ՝ ճանապարհային պատահարների կանխման նպատակով, տիրապետողը պարտավոր է կենդանուն պահել կարճ կապի վրա:
11. Տիրապետողները պարտավոր են թույլ չտալ մայթերի կամ այլ հանրային օգտագործման տարածքների աղտոտումն կենդանու զբոսանքի ընթացքում, ինչպես նաև պարտավոր են մաքրել դրանց կենսագործունեության արդյունքները:

V. Գյուղատնտեսական ընտանի կենդանիներ պահելու առանձնահատկությունները

12. Գյուղատնտեսական ընտանի կենդանիներ պահելու վերաբերյալ սույն Կանոնների դրույթները տարածվում են այնքանով, որքանով չեն հակասում սույն գլխի դրույթներին:
13. Սևանի վարչական տարածքում կենդանի պահելու թույլտվությունը տալիս է համայնքի ղեկավարը:
14. Հաշվի առնելով այն փաստը, որ Սևան համայնքը չունի գյուղատնտեսական նշանակության հողատեսքեր / խոտհարք, արոտավայր /, ուստի գյուղատնտեսական կենդանիների արոտային պահվածքը Սևան քաղաքում արգելվում է:
15. Ստացիոնար պահվածքի կենդանի պահելու թույլտվությունը կարող է տրվել այն անձին, ով բնակվում է առանձնատանը և ունի գյուղատնտեսական ընտանի կենդանի պահելու համար անհրաժեշտ պայմաններ:
16. Արգելվում է կենդանու ազատ կամ կապված արոտն դրա համար չհատկացված վայրերում (փողոց, զբոսայգի, պուրակ, տնամերձ տարածք և այլն):
17. Տիրապետողները պարտավոր են հիվանդությունների կանխման նպատակով ապահովել համապատասխան անասնաբուժական միջոցառումների իրականացումը, թույլ չտալ շրջակա միջավայրի աղտոտումը կենդանիների կենսագործունեության արդյունքներով:

VI. Կանոնները խախտելու պատասխանատվությունը

18. Սույն կանոնների խախտումն առաջացնում է օրենքով նախատեսված պատասխանատվություն: